

# خبرنگار محاکمات

جمعه ایرتسی

| لومرو | جمادی الاول | سنه  | کانون اول | سنه  | صحیفه |
|-------|-------------|------|-----------|------|-------|
| ۵۷۹   | ۲۲          | ۱۳۰۸ | ۲۲        | ۱۳۰۶ | ۸۳۸۳  |

( اشبو غزته بهر هفته جمعه ایرتسی کونلری حیقار . سنه لکی درسعات ایچون مجیدیه یکرمی غروش )  
 ( حساییله التمش غروشدر . طشره لر ایچون اونیش غروش پوسته اجرتی ضم اولنور . بهر )  
 ( نسخہ سی بنه مجیدیه یکرمی غروش اولوق اوزره یوز ناره یه هر برده صاتیلمور . درج اولنه جق )  
 ( اعلاناتک هر برندن بر مجیدیه اخذ اولنور . سنه لکنه مشتری اولوق استیانلر عدلیه نظارتی )  
 ( دائره سنده کاشن جریده محاکم اداره سنه مراجعت ایلملیدر )

تحت محاکمیه النمسنه نظارت مشار الیهادن  
 مآذونیت اعطا اولنمشدر .

قسم رسمی

کوردوس قضاسی نائی و بدایت محکمه سی  
 رئیس خیری افدینک ایکی ماده معینه ده ارتشاسی  
 وقوعی عدلیه نظارت جلیله سنه اولنان  
 شکایت اوزرینه صارو خان مدعی عمومی  
 معاونلکی معرفتیه اجرا ایتدیریلان تحقیقات  
 نتیجه سنده اکلاشلمسی اوزرینه مومی الیهک

تکه مدعی عمومی معاونی ابراهیم ادهم  
 افدینک بر محکمه قرارینه مستند اولیهرق حسین  
 نام شخصی خلاف قانون اون کون توقیف  
 ایتسندن طولانی تحت محاکمیه النمسی خصوصنه



محلندن کوندریلان اوراق تحقیقه اوزرینه  
عدلیه نظارت جلیله سنجه مآذونیت اعطا  
قلمشدر .

## قسم غیر رسمی

( الله ایدیه میان رفقاسی ذیله لی خورشید )  
( واسماعیل وحسن ولاز اسماعیل ایله کمر )  
( برغوس جهتلرنده بعض کسانک اچهلرینی )  
( غصب وایوبده براقچ خانه دن اشیا سرقت )  
( ایتدیکی ادعا اولنمسندن طولای مظنون علیه )  
( اولان فتحیه قالیون هایوننک بورزن نفراتندن )  
( اردولی مصطفانک اجرا قلنان محاکمه علیه سی )  
( ضبطنامه سی صورتندن مابعد )

واشقیای مرقومه دن دردی استرانجه وایکیسی  
دخی قره برون طرفلرینه کیتمش اولدقلرینی  
اقرار ایلمش وشو حالده ایوب سلطان جوارنده  
دوکه حیلار محله سی امامی محی الدین افندی ایله  
قرانته تحریرات قلمی میزی احسن بکلرک  
خانه لرنندن وقوعبولان سرقتلرک فاعلرلرندن  
اولدیغنی بروجه معروض بدرجه یه قدر معترف  
بولنمش اولدیغنی وورقه مذکورده نک مفادیدخی  
ژورنالده محرر اولدیغنی وجهله اشقیای مرقومه یه

ایتدکلری اشیای کورتوره مدکلرندن قیرده نردبان  
ایله برابر یاقش اولدقلرینی اقرار ایتمش ایسه ده  
مذکور خانه یی ارائه ایتیموب انحق مرقومک  
تعریف ایتدیکی زقاق باشنده کی تر به دارک خانه -  
سندن فی الحقیقه سرقت وقوعبولش اولدیغنی  
وسلیمان افندی دخی متهم مصطفی ایوب مرکزیه  
کتوریله رک کندوسیده حاضر اولدیغنی حالده  
قومیسر توفیق افندی طرفندن ضبط ایدیلان  
افاده سنده برطاقم رفقاسیله قضاء اربعه جهته ده  
بعض کسه لرک اوکنه چیه ررق اچهلرینی اخذ  
وغصب وحمیدیه قریه سندن المش اولدقلری  
نردبان ایله ایوب طرفنده بر خانه یه کیروب  
سرقت ایتدکلری اشیای نردبان ایله برابر احراق  
ایتمش اولدقلرینی وتحسین افندی دخی مومی الهمانک  
افاده لری وجهله متهم مصطفانک عسکر فراریسی  
اولوب بیوکدره طرفلرنده برمدت چوبانلق  
ایدوب مؤخرأ التی رفیق اولدقلری حالده  
باغچوانلرک اوکنه چیه ررق اچهلرینی اخذوغصب  
ایتدکلری مثللو ایوبده تر به دارک مخدومک  
خانه سنه کیره رک سرقت ایلدکلری اشیای طاغده  
یاقش اولدقلرینی اقرار ایتدیکی مسموعی اولدیغنی  
افاده و اخبار ایتلمیه وکیل مومی الیه قصار افندی  
استماع اولان پولیس مأمورلرینک افاده لرله

رفاقت ایدرک ایکی باغچوانک اچه سنی اخذ  
وغصب ایتدکلرینی وقوعبولان سؤال اوزرینه  
حمیدیه قریه سنه کله رک اتمک وبر نردبان المش  
ایسه لرده نردبان احراق ایدوب ایوبه کلماش  
اولدقلرینی افاده ایلدیکی اکلاشلمغله نه دیه جکی  
متهم مرقومدن صورلدقده کندوسنک غصب  
وسرقت فعللرندن معلوماتی اولیموب حین  
در دستنده کندوسنک عسکر فراریسی اولدیغنی  
سویلیوب اولوجهله براقارده بولنماش ایدوکنی  
افاده ایلدی محکمه طرفندن لزوم کوریلوب  
دعوت واقعه اوزرینه ورود ایدن پولیس صبری  
وسلیمان وتحسین افندیلر بعدالتحلیف منفردأ  
ومواجهه استماع اولندقلرنده بونلردن صبری  
افندی علی بک قریه سی سواری اونباشیلرندن  
اسماعیل عسکر فراریسی اولوب مقدمه دخی  
اجرای شقاوت ایدرک نفی اولدیغنی حالده بودفعه  
بوریه کلش اولدیغندن بحشله در دست ایتدیکی  
متهم مصطفای مستخدم بولدیغنی سلحدار اغا  
موقعه کتوروب کندوسنه تسلیم ایتدیکی جهته  
ایوب پولیس مرکزنده کندوسیده حاضر اولدیغنی  
حالده مرقومک افاده سنه مراجعت اولندقده  
رفقاسیله حمیدیه قریه سندن المش اولدقلری نردبان  
ایله ایوبده کوشه باشنده برخانه یه کیره رک سرقت



مؤكلنك مضبوط افاده سى بېنىسده مېاينت  
اولوب چونكه پوليس مامورلرينك تنظيم  
ايتدكلرى ژورنالده مؤكلنك مذكور خانە يي  
كوسترمكدن اظهار عجز ايتديكى ومؤكلنك  
قرائت ايديلان اقرارنده ايسه قطعاً ايوب طرفه  
كتمديكىنى سويلديكى حاليده شمدى پوليس  
مامورلرى مذكور خانە نك تربە دارك اولديغى  
سويلمكده ايدوكنى ومعاون مومى اليه دخى  
مامورين مومى اليهم شمدىكى افاده و اخبار لرنده  
ايوبده كى سرفت حقه تفصيلات ويرمكده  
ايسه لرده مصطفىانك قرائت ايديلان اقرارنده  
اويله بر صراحت اولديغى بيان ايله حل مسئله  
ايدلمسنى درميان ايتمليله قرائت ايديلان ژونال  
وافاده ورقه سنك مالى افدى مومى اليهم تفهيم  
اوله رق بوجەت استيضاح اولدقده بونلردن  
تحسين افدى متهم مرقومك افاده سنك بر قسمنى  
كندوسى ضبط ايتش ايسه ده ظهور ايدن ديكر  
برايش ايچون افاده مذكورە يي ياريدە بر اقوب  
قوميسر توفيق افدى سؤال ايراد ايدرك سليمان  
افدينك افاده مذكورە يي تحرير و اكمل ايلمش  
اولديغى ومومى اليه سليمان افدى دخى تحقيقاتك  
بدايتدن نهايته قدر قوميسر توفيق افدى  
طرفدن استجواب ايديله رك متهم مصطفىانك ويرمش

اولديغى افاده يي كندوسنك ضبط وتحرير ايتش  
ايدوكنى ولدى السؤال متهم مصطفىانك تعريف  
ايتديكى خانە نك احسن افدينك خانە سى اولديغى  
بيان ايتمكده نه ايچون مرقومك اقرارينه بوجەتك  
درج ايدلمديكى صورلدقده مندرج ايدوكنى  
وپوليس خيرى افدى دخى متهم مصطفىانك سلك  
عسكرى يه دخالتدن مقدم على بك قريه سى  
مختارى اسماعيل اغانك ياننده خدمتكارلق  
ايتديكى صروده ايكى رفيق بوله رق اورلرده  
كشت وكذار ومرقوم اسماعيل اغيه كندوسنه  
بريول تذكره سى كوندرمىنى وكوندرمديكى  
حاليده كندوسنى كسه چككه دائر خبر رسال  
ايتمكده مرقوم دردست اوله رق مملكتته كوندرلش  
ايسه ده بودفعه قريه سى چيغمغله بورايه كهرك  
عسكرلكدن فرار ايدليكىنى سوارى اسماعيل  
اونباشينك كندوسنه سويلمش اولديغى افاده  
ومتهم مرقومدن ايديلان استيضاح اوزرينه ولا  
مختار اسماعيل اغانك ياننده خدمت ايتديكىنى  
سويلديكى حاليده ايديلان تكار اوزرينه كرچه  
اسماعيل اغانك ياننده خدمت ايلمش ايسه ده  
تذكره ايستماش اولديغى افاده ايتمليله قوميسر  
توفيق افدى ايله سوارى اسماعيل اونباشينك ومختار  
اسماعيل اغانك ووكيل قصبار افدينك طلي

اوزرينه متهم مرقومك يانلرنده خدمتكارلق  
ايتديكى لازعلى منلاو قصاب ميچو وقهوه جى  
مصطفى ورنجبر نظيفك جلبرينه قرار ويريله رك  
طرفينه تفهيم و اكمل محاكمه وقت آخره تعليق  
قلدى .

( ايكنجى محاكمه )

بر موجب قرار دعوت واقعه اوزرينه  
قوميسر توفيق افدى وسواري اسماعيل اونباشى  
ومختار اسماعيل اغا ورود ايتش ولاز على منلا  
وقصاب ميچو وقهوه جى مصطفى ورنجبر نظيف  
كلماش اولدقلرندن سنه مذكورە اغستوسنك  
يكرمى بشنجى جمعه ايرتسى كوني متهم اردولى  
مصطفى منسوب اولديغى دائره عسكرىه توقيف خانه  
سندن كتورديله رك وكيلى قصبار افدى ياننده  
اولديغى ومدعى عمومى معاونى مصطفى ومتهم  
مرقومك ضابطى بحريه سلاح انداز طابورى  
ملازملرندن ابراهيم افنديلر حاضر بولندقلرى  
حاليده دوام محاكمه عليه به بالابتدارقرائت اولنان  
ضبط سابق مندرجاتى طرفين تصديق ايتدكلرندن  
سكره مومى اليه قوميسر توفيق افدى ايله سواري  
اسماعيل اونباشى ومختار اسماعيل اغا بدالتحليف

منفرداً ومواجهه استماع اولسدقلرنده بونلردن  
قوميسر توفيق افدى بركيجه دوريه قولندن  
عودتله مركزه كلديكنده متهم اردولى مصطفىانك  
كتورلمش اولديغى كورمكده مرقومى استجواب  
ايتديكنده كندوسنك عسكر قراريسى اولوب  
يدى كشى ايله يكرمى بش كون طاغلرده كره رك  
ايكى باغچوانى صويدقلرى مثللو نردبان ايله دخى  
ايوبده بر خانه دن فعل سرفته جرات ايدليكىنى  
اعتراف ايتمكده مرقومك اولوجهله افاده سنى  
ضبط ايلمش ايدوكنى افاده ايدرك مرقومك  
ضبط سابقده محرر اولان اقرارى مندرجاتى  
تكرار وسواري اسماعيل اونباشى دخى متهم  
اردولى مصطفى على بك قريه سى مختارى اسماعيل  
اغانك ياننده يئاشمه لق ايدوب بر مدت صكره  
حسابى قطع ايدرك مرقومك يانندن چيقدقندن  
صكره چوبان چشمه سنده بريسييله برلشوب  
اوتكه كنه بروكنه خبرارساليه پاره طلب ايلدكلرى  
مثللو مرقوم اسماعيل اغيه دخى پاره كوندرمىز  
ايسه كندوسنى تلف ايدە جكلرينه دائر خبر  
ايصال ايتدكلرى مختار اسماعيل اغا طرفندن  
معلومات و برلكله مرقوم اردولى مصطفى ايله  
رفيقى چوبان چشمه سى جوارنده دردسته جانب  
حكومه تسليم ايدليكى تذكره ومختار اسماعيل اغا



دخی مرقوم اسماعیل اونیاشینک افاده سی وجهله  
 متهم مرقوم یانندن چیققدن صکره مزروعتانندن  
 حاصل اوله جق تمتی کندولرینه کوندرمی  
 ایچون خبر کوندردیکنی اخبار وکیل قصبار  
 افندینک طلبی اوزرینه قومیسر توفیق افندیدن  
 لدی السؤل تر به دارک خانه سندن وقوعبولان  
 سرقتدن اون بش یکر می کون صکره متهم  
 مصطفانک طونلمش اولدیغنی افاده ایتملرله  
 مومی الیه قصبار افندینک کچن محاکمه ده جلبلری  
 طلب ایدوب دعوت ایدلکری حلاله ورود  
 ایتمیان لاز علی منلا وقصاب میچو وقهوه جی  
 مصطفی ورنجبر نظیفک اخبار ایده جکری جهت  
 متهم مرقومک یانلرنده خدمت ایدوب ایتمکرنندن  
 عبارت اولوب حالبوکه بونک اساس ماده به تعلقی  
 اولدیغنی جهتله مرقومونک عدم ورودلرندن  
 طولانی تأخیر محاکمه به لزوم اولدیغنه بالتذکر  
 قرار ویریلهرک تحقیقاتک بوندن عبارت ایدوکی  
 بیان اولندقدن معاون مومی الیه مصطفی افندی  
 متهم مصطفی برطاقم رفیقله قیرده کشت وکذار  
 وتصادف ایتمکری ایکی بانچوانک معامله جبر  
 وشدت اجراسیله اچهلرینی اخذ وغصب  
 وایوبده کی تر به دارک خانه سندن دخی نردبان الیه  
 آشهرق اشیا سرت ایلدیکی اقرارینه انضمام ایدن  
 اوطه سته کلندی .

طرفینک ادعا ومدافعاتنک استاعتدن واوراق  
 تحقیقه نك مطالعه وتدقیقندن صکره ایجاب کیفیت  
 لدی المذاکره متهم مرقوم هر نقدر حضور محکمه ده  
 انکار تهمت ایتمکده وکیل مومی الیه طرفندن  
 دخی بوجه محرر مدافعه ایدلمکده ایسه ده  
 متهم مرقومک مستخدم بولندیغنی فتحیه قالیون  
 هایوننده بور یزن بلوکی نفراتندن اولدیغنی حلاله  
 فرار ایدرک ذیله لی خورشید و اسماعیل  
 وقسطمونلی حسن و ابراهیم و کور حسین وحسن  
 الیه برلشهرک کر برغوس جهتده وطریق  
 شقاوتده کشت وکذار ایدرلر ایکن تصادف  
 ایتمکری مجهول الاسم ایکی بانچواندن یکر می  
 درت لیرا اخذوغصب وایوبده ارا نه ایده میه جکی  
 خانه لردن نردبان الیه آشهرق فعل سرقته جرأت  
 ایدلکری ایوب مرکزنده اقرار ایتمسینه  
 ومرقومک بواقارینک برکونه جبر وکره  
 مبتی اولیه رق طایعاً وقوعبولدیغنی مرقومک  
 تعریف ایتمدیکی خانه نك تر به دارک خانه سی  
 اولوب فی الحقیقه خانه مذکوردن سرقت ایقاع  
 ایدلدیکنک پولیس صبری وسلیمان وتحسین  
 وقومیسر توفیق افندیلرک مع القسم خبر ویرملرینه  
 وشهوددن پولیس صبری افندی متهم مرقومک  
 سلك عسکری به دخالتندن مقدم علی بک قریه سی  
 مختاری اسماعیل اغانک یاننده خدمتکارلق  
 ایتمدیکی صره ده ایکی رفیق بوله رق اورالرده  
 کشت وکذار ومرقوم اسماعیل اغایه پول  
 تذکره سی کوندرمیسنی وکوندرمدیکی حلاله  
 کندوسنی کسه جکنه دأثر خبر ارسال ایتمدیکی  
 سواری اسماعیل اونیاشیدن مسموعی اولدیغنی  
 علاوه تذکار ایتمکله بوجه متهم مرقومدن  
 سؤل اولندقدن مختار اسماعیل اغانک یاننده  
 خدمت ایتمدیکنی قطعاً سویلدیکی حلاله ایدیلان  
 تکرار اوزرینه کرچه مرقومک یاننده خدمت  
 ایلمش ایسه ده اولوجهله خبر کوندرمدیکی  
 سویلمش وجلب ایدیلان سواری اسماعیل  
 اونیاشی ومختار اسماعیل اغا دخی مومی الیه  
 پولیس صبری افندینک افاده سی مؤید اولهرق  
 متهم مرقومک شقاوت صورتیه کشت وکذار  
 واوته کنه بروکنه پاره کوندرمی ایچون تهدیداته  
 بولنش اولدیغنی درجات اوزرینه اخبار ایدوب  
 مرقومک بویوله دخی سابقه سی اولدیغنی  
 اکلاشلمسینه ومتهم مرقوم بیوکدرده کفهل  
 قریه سنده متعدد محللرده چوبانلق وبکچیلک  
 وقهوه جیلک ایدوب پاره سی اولدیغنی جهته ایش  
 بولقی ایچون ماشیاً استانبوله کلکده ایکن چوبان  
 چشمه سی جوارنده دردست اولدیغنی حضور



محکمه ده افاده ایلیمش ایسه ده مرقومک عسکر  
قرار یسی اولدینی جهته استانبوله گلیه جکی درکار  
و خصوصیه استانبوله بیوکدره دن ساحل بویجه  
کلیو بده قیرطرفدن گلی و لیل چوبان چشمه سنده  
کسور یلوب طوتمسی بو افاده سنک تم تدارک  
اولدینک بدیهی بولمسنه و مدافعه کتجه برکسه  
اصلی اولیان برشینی نفسنه افترا ایدرک اقرار  
و اعتراف ایتیه جکی مثلو مرقومک بو یولده بر  
اقرارده بولمسی ایچون میدانده برکونه جبر  
و تضییق اولدینی کی عقلنده دخی اثر خفت  
کوریه میوب طریق شقاوتده کزدیکی رفیقارینک  
اسم و اوصاف و اشکالی و لابس اولدقاری اتوابی  
تعریف ایتدیکي جمله اقرارندن اولوب بونک  
مرقومک سبق ایدن اقرارینک صحتته دلالت ایدر  
احوالدن بولمسنه و مرقومک حقیقده کی احوال  
اقرارندن عبارت اولوب تعداد ایدیلان اخبار  
و دلائل و اماراتک انضمام ایلیمش اولمسنه و طریق  
شقاوتده کزن بوکی اشخاصک بالطبع مسلح  
بولنه جقلرینک درکار بولمسنه مبنی مرقومک  
انکاری واهی و وکیل مومی الیهک مدافعات  
واقعهمی دخی اسباب مبسوطه ایله مردود  
ایدو کندن مرقوم مصطفانک قیرده غصب وایوبده  
سرقت فعلنک فاعلارندن اولق اوزره مجرمیده

جهت جزائی حقیقه دخی ایجابی لدی التذکر  
مجرمیتی تحت حکمه النان اردولی مصطفانک فعل  
و حرکتی قانون جزانک التمش ایکنجی ماده سی  
علاوه سنک فقره اولسنه موافق اولدیننه و فقره  
مذکورده دخی طاعلرده و قیرلرده مسلح  
اولدقاری حالد کزرک راست کلدکری یولچیلری  
طوتوب صومیق فضیحه سنی ارتکاب ایدن  
اشخاص که قطاع طریق تسمیه اولنورلر بو  
مقوله لر حال و صقتلرینه و درجه شقاوتلرینه  
کوره موقت و یا خود مؤبد کورک جزاسیله  
محازات اولنور دیو محرر بولندیننه مبنی بوماده  
حکمنه توفیقاً و ابتدای توقیفی اولان اوچ یوز  
یدی سنه سی جزای الاخره سنک یکریمی طقوزنجی  
کوندن اعتباراً بعدالتشهر اوچ سنه مدته کورکه  
قولمسنه و متهم مرقومک افراد عسکر یه دن

اولدینی جهته مصارف محاکمه اعطاسندن معافیتنه  
اوچ یوز سکر سنه سی محرمک یکریمی ایکنجی  
گونه مصادف اولان اوچ یوز الی سنه سی  
اغستوسنک یکریمی بشننجی کونی متفقاً قرار  
ویریلوب قانونک ازانه و تعریفی وجهله تقهیمی  
اجرا و اصول محاکمه معین اولان معاملات  
ایضا قلندی .

فی ۲۶ ایلول سنه ۳۰۶

اوچ یوز بش سنه سی ایلولنک سکرنجی جمعه  
کیجه سی قزل طور اقدده کائن عسا کر بحریه  
میرالایلرندن محمود بکک خانه سندن و شهر مذکورک  
یدنجی کیجه سی عزب قپوسنده واقع لوراندو  
خاننده مقیم مرانغوز یانینک اوطه سندن و تاریخ  
مذکوردن چندماه مقدم بر کیجه میرکونده ساکن  
مرحوم صفوت پاشا زاده عزتلو رفعت بکک  
کوشکندن و قوعبولان سرقتلردن طولای مظنون  
علیهم اولان پاوی و مسقو وایلیا و قسطنینک جنایتله  
اتهاملرینه و فروخت ایدیلان اشیای مسروقه  
انمانندن بر مجیدی بی اخذ ایدن لئونیدینک  
لزوم محاکمه سنه دائر هیئت اتهامیه دن تنظیم اولنان  
۸ مارت سنه ۳۰۶ تاریخی و ۳ نومرولی  
مضبطله ایله استیناف مدعی عمومیلکندن ۴ نیسان  
سنه ۳۰۶ تاریخی و بلا نومرو اتهامنامه سی و اوراق  
مقرعه سیله ۱۲ نیسان سنه ۳۰۶ تاریخده

( اوچ یوز بش سنه سی ایلولنک سکرنجی جمعه )  
( کیجه سی قزل طور اقدده کائن عسا کر بحریه )  
( میرالایلرندن محمود بکک خانه سندن و شهر )  
( مذکورک یدنجی کیجه سی عزب قپوسنده )  
( واقع لوراندو خاننده مقیم مرانغوز یانینک )  
( اوطه سندن و تاریخ مذکوردن چندماه مقدم )  
( بر کیجه میرکونده ساکن مرحوم صفوت )



محکمه جنایته تودیع اولمغله بالمطالعہ اصول محاکمات  
جزائیه قانونک ایکوز قرق سکرنجی و ایکوز قرق  
طقوزنجی مادہ لرینہ توفیقاً متهمون مرقومون ماه  
مزبورک اون دردنجی جمعہ ایرتسی کونی توقیفخانه دن  
جلب ایله استجواب و مدافعہ لرنده معاونت  
ایتمک اوزره بروکیل انتخاب ایتملی تکلیف  
اولندقدہ وکیللری اولدیغنی سویلملریله بونلردن  
پاولی و مسقونک بدلرنده بولنان اشیای مسروقہ بی  
یکدیگرینه اسناد ایتدکلری اوراق تحقیقہ مطالعہ -  
سندن ا کلا شلمغله پاولی به محکمه نزدنده بولنان  
دعوی وکیللردن خاجیک و مسقویہ کرقورقلا بیجان  
وایلیا و قسطی به دخی خنظر افندیلر جانب  
محکمه دن وکیل تعیین وقانون مزبورک ادعای  
مفسوخیت حقنده اولان ایکوز الی برنجی  
مادہ سی مندرجاتی اخطار قلندیغنی مبین  
طوتیلان ضبط ورقہ سی تحت امضایہ الدیرلدی  
ادعای مفسوخیت ایچون معین اولان مدت قانونیه  
منقضیه اولمغله مرقومونک اجرای محاکمہ لری  
حزیرانک ایکنجی جمعہ ایرتسی کونہ  
قرارلشدیرلدی .

یوم مذکورده متهمون مرقومون توقیفخانه دن  
ولئو نیدی دخی اقامتکاهندن کتوردیلہ رک وکیللردن

کرقورقلا بیجان افندیکن معذرت مشروعه سنہ  
مبنی کلمہ میجکی بیلدیرمش اولسی جہتیلہ متهملردن  
مسقونک طلب و موافقتنہ بناء وکیل تعیین  
ایدیلان و اوراق دعویٰ بعدالمطالعہ مدافعہ به  
حاضر ایدوکنی بیان ایدن دعوی وکیللردن  
سلامی افندی ایله خاجیک و خنظر افندیلر  
موکلرینک یانلرنده اولدقلری و مدعی عمومی  
معاونی حق و مدعی شخصی رفعت بکلر و مرانغوز  
یانی حاضر بولندقلری حالده محاکمہ علیہ به بالا بتدار  
متهمون مرقومون استجواب اولندقلرنده بونلردن  
پاولی استانہ لی یکریمی درت یاشنده طاشچی و مسقو  
دخی کمر برغوسلی اوتوز یاشنده باغچوان وایلیا  
اوتوز یاشنده میخانه جی و قسطی دخی سلا نیکی  
ویکریمی بر یاشنده اولوب مرقوم ایلیانک یاننده  
دستکاهدار ولئو نیدی دخی قالفہ کو یلی ویکرمی  
بش یاشنده قزغانچی اولدقلرینی سویلملریله  
کندولرینہ و وکیلان موسی الیهمہ قانون مزبورک  
ایکیوز التمش دردنجی و ایکوز التمش بشنجی  
مادہ لری مندرجاتی بعدالاختار اتهام مضبطہ سیله  
اتهامنامہ ضبط کاتی شوکت افندی به قرائت  
ایتدیرلدی .

مذکور مضبطہ نک مآلی مظنون علیهمدن

## اعلان

پاولی و مسقونک محال مذکورده دن فعل سرقتہ  
جرات وایلیا و قسطینک دخی مرقومانہ یتاقلق  
ایتدکلری ولئو نیدیکن دخی پاولی طرفندن بیع  
ایدیلان اشیای بدل متبایسنندن برعیددی بی اخذ  
ایلدیکی اخبارات و دلائل و امارات ایله تحقیق  
ایتمش و پاولی و مسقونک حرکت واقعه لری قانون  
جزانک ایکوز یکرمنجی وایلیا و قسطینک فعللری  
دخی قانون مزبورک ایکوز اوتوزنجی مادہ سی  
موجبجه ایکوز یکرمنجی مادہ سی احکامنی مستلزم  
افعال جنایتہ دن ولئو نیدیکن فعلیده ایکوز  
اوتوزنجی مادہ قانونیه نک ایکنجی ذیلنہ موافق  
جنحه نوعندن و جرائم مرتبہ دن بولنمش اولد -  
یغندن محکمه جنایتہ برلکده محاکمہ سی اجرا  
اولنشق اوزره مسقو و پاولی وایلیا و قسطینک  
جنایتلہ اتهاملرینہ قرار ویرلیدیکنی و اتهامنامہ نک  
مفادی دخی مضبطہ مذکورہ مزایای و جہلہ  
پاولی و مسقو وایلیا و قسطینک جنایت ولئو نیدیکن  
دخی جنحه فعلنک مرتکبلری اولمق اوزره  
متهم بولندقلرینی بیان و ایضاحدن عبارتدر .

مابعدی وار

لئون ایله ماغریچہ قادیکن کوزلرینک  
رؤیتنی تعطیل واخلال و ساخته دیپلومه استعمال  
ایتدیکی ادعا قلنمسنندن طولای مظنون علیہ اولان  
اورتہ بویلی طار النلی سیاه بیق و صقاللی قره  
کوزلی بیوکجه یوارلق برونی بیوک اغزلی بغدادی  
بکرلی اولوب نیکده سنجاغنه مربوط دهنه کی  
ناحیه سی اهلایسنندن ایدوکی تحقیق اولنسان  
اپوستولا کینک فرار ایتمسندن وحقنده اجرا  
قلنان تحقیقات اوزرینہ هیئت اتهامیه جه جنایتلہ  
اتهامنه قرار ویرلمسندن ناشی اصول محاکمات  
جزائیه قانوننک اوچیوز یتمش برنجی مادہ سی  
موجبجه معاملہ لازمه قانونیه و محاکمہ علنیہ  
غیاییه سی بالا یفا قانون جزانک یوز یتمش یدنجی  
مادہ سنہ توفیقاً اوچ سنہ مدتلہ کورکه قولنمسنہ  
واوتوز برنجی مادہ قانونیه منطوقجه مؤبدأ  
حقوق مدنیہ دن اسقاطیلہ اموالنک حیزینہ  
محکمه جنایتدن غیاباً حکم اولنمش و مذکور  
اصول محاکمات جزائیه قانوننک اوچیوز یتمش



يدنجي واوچيوز يمش سكرنجي و اوچيوز سكرسان  
برنجي ماده لري له مواد سائرهي احكامنه توفيق  
معامله اولمسي مرجعه بيلديرلش اولغله اعلان  
كيفيته ابتدار قلندي .

في ۱۸ جمادى الآخر سنه ۳۰۸

وفي ۱۷ كانون ثاني سنه ۳۰۶

سلور يلى پنازجي اسماعيل افندي يه

دولت عليه تبعه سندن سلور يده مقيم خزينه  
وكيلي واسيلاكي طرفندن عليه كزده اقامه اولنان  
دعوانك شهر حالك اون بشنجي صالى كوني ساعت  
يدي راده لرنده سلوري محكمه سنجه محاكمه سي  
اجرا قلنه جغندن يوم ووقت مز بورده بالذات

كلكنز وياخود مصدق سنده بروكيل كوندركم  
لزومي اخطار اولنور .

في ۱ كانون ثاني سنه ۳۰۶

لدى التحري اشبو دعوتيه ده اسمي محرر  
پنازجي اسماعيل افنديك سلور يده اقامتگاهي  
اولديني كي نزده مسكون بولنديني حقنده بر  
تحقيقاته دسترس اولنه مديغندن اشبو احضارنامه  
حاكاي رياسته تقديم قننور .

في ۲ كانون ثاني سنه ۳۰۶

مباشر  
احمد

زغره لى احمد اغايه

دولت عليه تبعه سندن سلور يده مقيم خزينه  
وكيلي واسيلاكي افندي طرفندن عليه كزده  
اقامه اولنان دعوانك شهر حالك اون دردنجي

محكمه سنجه محاكمه سي اجرا قلنه جغندن يوم  
ووقت مز بورده بالذات كلكنز وياخود مصدق  
سنده بروكيل كوندركم لزومي اخطار اولنور .

في ۱ كانون ثاني سنه ۳۰۶

لدى التحري اشبو دعوتيه ده اسمي محرر  
عز تلو سلوري قائم مقامى عثمان افندي حضر تليريك  
سلور يده اقامتگاهي اولديني كي نزده مسكون  
بولنديني حقنده برتحقيقاته دسترس اولنه مديغندن  
اشبو احضارنامه حاكاي رياسته تقديم قننور .

في ۲ كانون ثاني سنه ۳۰۶

مباشر  
احمد

في ۲ كانون ثاني سنه ۳۰۶

مباشر  
احمد

اسبق سلوري قائم مقامى عز تلو عثمان افندي يه

دوات عليه تبعه سندن سلور يده مقيم خزينه  
جليله وكيلى واسيلاكي طرفندن عليه كزده اقامه  
اولنان دعوانك شهر حالك اون دردنجي بازار  
ايرتسي كوني ساعت يدي راده لرنده سلوري

اسبق چكجه كير قضاى متصرفى حبيب پاشا  
حضر تليينه

دولت عليه تبعه سندن سلور يده مقيم خزينه  
جليله وكيلى واسيلاكي طرفندن عليه كزده اقامه



زغره لی احمد اغایه

دولت علیه تبعه سندن سلوریده مقیم خزینه  
وکیل و اسیلای طرفندن علیکزده اقامه اولنان  
دعوانک شهرحاکک اون بشنچی صالی کونی ساعت  
یدی راده لرنده سلوری محکمه سنجه محاکمه سی  
اجرا قلنه جفندن یوم وقت مز بورده بالذات  
کلکمز و یاخود مصدق سندله بروکیل کوندرمکز  
لزومی اخطار اولنور .

فی ۱ کانون ثانی سنه ۳۰۶

لدی التجری اشبو دعوتیه ده اسمی محرر  
زغره لی احمد اغایک سلوریده اقامتکاهی اولدینی  
کبی زرده مسکون بولندینی حقنده بر تحقیقاته  
دسترس اولنه مدیغندن اشبو احضارنامه خاکبای  
ریاسته تقدیم قلنور .

فی ۲ کانون ثانی سنه ۳۰۶

مباشر  
احمد

اولنان دعوانک شهرحاکک اون دردنجی بازار  
ایرتسی کونی ساعت یدی راده لرنده سلوری  
محکمه سنجه محاکمه سی اجرا قلنه جفندن یوم وقت  
مز بورده بالذات کلکمز و یاخود مصدق سندله بر  
وکیل کوندرمکز لزومی اخطار اولنور .

فی ۱ کانون ثانی سنه ۳۰۶

لدی التجری اشبو دعوتیه ده اسمی محرر  
سمادتلو حبیب پاشا حضرتلرینک سلوریده  
اقامتکاهی اولدینی کبی زرده مسکون بولندینی  
حقنده بر تحقیقاته دسترس اولنه مدیغندن اشبو  
احضارنامه خاکبای ریاسته تقدیم قلنور .

فی ۲ کانون ثانی سنه ۳۰۶

مباشر  
احمد

جانی رفعت افدینک ۳۷ نومرولی اعلام  
موجبجه عایشه خانمه بقیه دینی اولان معلوم .  
المقدار مبالغک تسویه سی ضمننده روم ایلی  
حصارنده ملا قناری محله سنک میدان جاده سنده  
متصرف اولدینی قرق طقوز نومرولی بر باب  
ملک خانه سی بالمزایده اون یدی بیک غروش  
نمن ایله طالبی عهده سنده تقرر ایلدیکندن تاریخ  
اعلانن اعتباراً اوتوز بر کون ظرفنده نمن  
مذکور اوزرینه یوزده بش ضمیله طالب اولنلرک  
بک اوغلی بدایت محکمه سی اجرا مأموریتنه  
مراجعت ایلملری اعلان اولنور .

فی ۱۷ کانون ثانی سنه ۳۰۶

یاغجی عنکنک قالفه قریه لی یورکی چاوش  
ذمتنده بااعلام الاجنی اولان مبالغ معلومه نک  
تأمین استیفاسی ضمننده مدیون مرقومک قریه  
مذکورده شایعاً متصرف اولدینی محجوز بر  
قطعه باغی التمش بر کون ظرفنده جریان ایدن  
مزایده ده ایکی بیک یوزغروشدی طالبی عهده سنده  
تقرر ایتیش اولدیغندن قرارداد سی کشیده ایدلمش  
اولمغه یوزده بش ضمیله طالب بولنانلرک ودها  
زیاده معلومات المق ایستیانلرک کوچک چکمهجه  
اجرا دائره سنه مراجعت ایلملری اعلان  
اولنور .

فی ۲۱ کانون ثانی سنه ۳۰۶

هاجه انسطاشیه قادینک ۳۸ نومرولی اعلام  
موجبجه محمد نوری اغایه محکوم به دینی اولان  
معلوم المقدار مبالغک تسویه سی ضمننده پانفالتیده  
بیوکدره جاده سنده یوز اوچ نومرولی حمامه  
جاری اولان نصف ماصوره ماء لذیذ بالمزایده  
بیک غروش بدل ایله طالبی عهده سنده تقرر  
ایلدیکندن تاریخ اعلانن اعتباراً اوتوز بر کون



کیوه قصبه سنده مقیم قیصریه لی واسفله  
واسیلا کینک اقصا ناحیه سنده قورت بلن  
قریه لی هاجی مارینوس وزوجه سی بدروس  
ذمتلرنده برقطه اعلام موجبجه الاجفندن  
طولای مدیون مرقومانک نفس اقصا قصبه سنده  
واقع بر باب خانه سی دائی طرفندن تحت حجزه  
الدریش اولدیغندن تاریخ اعلاندن اعتبار آون  
بش کون صکره بالمزایده فروخته ثبث اولنه جنی  
کیوه بدایت محکمه سی اجرا مأمورلغندن اعلان  
اولنور .

فی ۲۰ کانون ثانی سنه ۳۰۶

یهودی میشونک کمر برغوس قریه سی  
اهالیسندن میخال ذمتنده بااعلام الاجنی اولان  
مبالغ معلومه نک تأمین استیفاسی ضمننده مدیون  
مرقومک متصرف اولدینی جندره بوغازنده  
واقع یکریمی بش دونم بوستان مع اوطه نک تحت  
حجزه التمش وفروخته قرار ویریلرک اون  
بش کون صکره مزایده یه وضع اولنه جفندن  
طالب اولنلرک ودها زیاده معلومات المق ایستیانلرک  
کوچک چکهجه اجرا دائره سنه مراجعت ایلملری

اعلان اولنور .

فی ۲۱ کانون ثانی سنه ۳۰۶

خدیجه خانمک <sup>۳۰۸</sup> نومرو لی اعلام موجبجه  
احمد افندی ایله امینه خانم محکوم به دینی اولان  
معلوم المقدار مبالغک تسویه سی ضمننده فیروزاغا  
محله سنده تره طور چیقماز زقاغنده یدی نومرو لی  
بر باب خانه ده اوچ حصه اعتبار یله والده سی  
متوفاه حفیظه خانمندن انتقالاً متصرفه اولدینی  
ثلث حصه شایعه سی بیک درت یوز الی غروش  
بدل ایله طالبی عهده سنده تقرر ایلدیکندن  
تاریخ اعلاندن اعتباراً اوتوز بر کون ظرفنده  
بدل مذکور اوزرینه یوزده بش ضمیله طالب  
اولنلرک بک اوغلی بدایت محکمه سی اجرا مأموریتته  
مراجعت ایلملری اعلان اولنور .

فی ۲۲ کانون ثانی سنه ۳۰۶